



Broj: 11-14-6951-28/18

Datum, 21.02.2019. godine

Na osnovu člana 69. stav (3) i člana 70. stav (4) Zakona o javnim nabavkama („Službeni glasnik BiH”, broj: 39/14) i Zapisnika Komisije za provedbu postupka javne nabavke „Ustupanje usluga operativne proljetne faze obavezne preventivne sistematske deratizacije na području Zeničko-dobojskog kantona za 2018. godinu“, broj: 11-14-6951-27/18 od 14.02.2019. godine, ministar Ministarstva zdravstva Zeničko-dobojskog kantona, d o n o s i:

ODLUKU

o otkazivanju postupka javne nabavke „Ustupanje usluga operativne proljetne faze obavezne preventivne sistematske deratizacije na području Zeničko-dobojskog kantona za 2018. godinu“

I

Otvoreni postupak javne nabavke „Ustupanje usluga operativne proljetne faze obavezne preventivne sistematske deratizacije na području Zeničko-dobojskog kantona za 2018. godinu“, otkazuje se u skladu sa članom 69. stav (3) Zakona o javnim nabavkama, zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

II

Stavlja se van snage Odluka o izboru najpovoljnijeg ponuđača, broj: 11-14-6951-19/18 od 05.11.2018. godine, kojom se ugovor za „Ustupanje usluga operativne proljetne faze obavezne preventivne sistematske deratizacije na području Zeničko-dobojskog kantona za 2018. godinu“ dodjeljuje ponuđaču „Sanitacija“ d.o.o. Sarajevo.

III

Ova Odluka objavit će se na web-stranici <http://www.zdk.ba/> istovremeno s upućivanjem ponuđačima koji su učestvovali u predmetnom postupku javne nabavke, u skladu sa članom 70. stav 6. Zakona o javnim nabavkama.

O b r a z l o ž e n j e

Ministarstvo zdravstva Zeničko-dobojskog kantona, na osnovu Odluke o pokretanju postupka javne nabavke broj; 11-14-6951-3/18 od 03.05.2018.godine, pokrenulo je otvoreni postupak javne nabavke „Ustupanje usluga operativne proljetne faze obavezne preventivne sistematske deratizacije na području Zeničko-dobojskog kantona za 2018. godinu“, evidencijski broj nabavke: 11-14-6951-6/18 od 07.06.2018. godine, broj Obavještenja o nabavci sa Portala javnih nabavki: 20180-1-2-1-3-1/18 od 07.06.2018. godine i u „Službenom glasniku BiH”, broj: 40/18 od 15.06.2018. godine.

Komisija imenovana Rješenjem, broj: 14-14-3-6951-6/18 od 29.05.2018. godine, je u skladu sa članom 65. Zakona o javnim nabavkama („Službeni glasnik Bosne i Hercegovine“, broj: 39/14),



članom 8. Pravilnika o uspostavljanju i radu komisije za javne nabavke („Službeni glasnik Bosne i Hercegovine“, broj: 103/14) i članom 18. Uputstva za pripremu modela tenderske dokumentacije i ponuda („Službeni glasnik BiH“, broj: 90/14 i 20/15) izvršila evaluaciju ponuda, sačinila Zapisnik o pregledu i ocjeni ponuda, broj: 11-14-6951-11/18 od 12.07.2018. godine, na osnovu koje je Ugovorni organ donio Odluku o izboru najpovoljnijeg ponuđača, broj: 11-14-6951-12/18 od 12.07.2018. godine.

Na Odluku o izboru najpovoljnijeg ponuđača, broj: 11-14-6951-12/18 od 12.07.2018. godine, ponuđač „Sanitacija“ d.o.o. Sarajevo uložio je žalbu dana 30.07.2018. godine. Rješenjem Ureda za razmatranje žalbi, Filijala Mostar, broj: JN2-03-07-1-1071-9/18 od 20.09.2018. godine usvojena je žalba ponuđača „Sanitacija“ d.o.o. Sarajevo, poništena Odluka o izboru prvorangiranog ponuđača „Sanacija 3D“ d.o.o. Sarajevo i „Sanitarac“ d.o.o. Vlasenica-konzorcij, kao najpovoljnijeg ponuđaču za predmetnu nabavku i predmet vraćen Ugovornom organu na ponovni postupak.

Na osnovu navoda iz Rješenja, Komisija je pristupila ponovnom pregledu i ocjeni ponuda i sačinila Zapisnik o ponovljenom pregledu i ocjeni ponuda, broj: 11-14-6951-16/18 od 15.10.2018. godine. U Zapisniku je konstatovano da je istekao period važenja svih ponuda, odnosno opcije ponuda, te da više nema važećih ponuda za ocjenjivanje, te da ukoliko Ugovorni organ ne otkaže postupak u skladu sa članom 69. stav (3) Zakona o javnim nabavkama, te smatra da je neophodno provođenje postupka javne nabavke, potrebno je da se prije ponovljenog pregleda i ocjene ponuda razmotri mogućnost pribavljanja prethodne saglasnosti od ponuđača u pismenoj formi za produženje važnosti ponuda. Ugovorni organ, cijeneći neophodnost provođenja postupka, uputio je dopis svim ponuđačima sa zahtjevom za produženje perioda važenja ponuda u navedenom postupku javne nabavke do 30.11.2018. godine.

U skladu sa naprijed navedenim, Komisija je nastavila sa radom i sačinila Zapisnik o ponovljenom pregledu i ocjeni ponuda, broj: 11-14-6951-18/18 od 29.10.2018. godine u kojem je postupajući po Rješenju Ureda za razmatranje žalbi BiH, broj: JN2-03-07-1-1071-9/18 od 20.09.2018.godine i na osnovu dostavljene dokumentacije i detaljnog pregleda dostavljene dokumentacije utvrdila činjenično stanje i konstatovala da ponuđač „Sanacija 3D“ d.o.o. Sarajevo i „Sanitarac“ d.o.o. Vlasenica-konzorcij, za angažovano radno osoblje ne ispunjava uslov, jer se na osnovu kopije diplome doktora medicine ne može utvrditi da li je isti i specijalista epidemiologije ili higijene sa ekologijom, odnosno ponuđač nije uopće dostavio poseban dokaz o tome da ima angažovanog specijalistu epidemiologije ili higijene sa ekologijom. S tim u vezi, ponuda „Sanacija 3D“ d.o.o. Sarajevo i „Sanitarac“ d.o.o. Vlasenica-konzorcij nije potpuna, i ista je odbačena u skladu sa članom 68. stav 4. tačka i), nakon čega je Ugovorni organ donio Odluku o izboru najpovoljnijeg ponuđača „Sanitacija“ d.o.o. Sarajevo, broj: 11-14-6951-19/18 od 05.11.2018. godine.

Na Odluku o izboru najpovoljnijeg ponuđača, broj: 11-14-6951-19/18 od 05.11.2018. godine, ponuđač JU Institut za zdravlje i sigurnost hrane Zenica, podnio je žalbu dana 13.11.2018. godine i „Sanacija 3D“ d.o.o. Sarajevo i „Sanitarac“ d.o.o. Vlasenica-konzorcij, Žalbu dana 15.11.2018. godine (putem mail-a).

Rješenjem Ureda za razmatranje žalbi broj: JN2-03-07-1-1602-9/18 od 20.12.2018. godine, a po žalbi „Sanacija 3D“ Sarajevo, predstavnika grupe ponuđača „Sanacija 3D“ Sarajevo i „Sanitarac“ Vlasenica, poništena je Odluka o izboru najpovoljnijeg ponuđača broj: 11-14-6951-19/18 od 05.11.2018. godine i predmet vraćen ugovornom organu na ponovni postupak.

Rješenjem Ureda za razmatranje žalbi broj: JN2-03-07-1-1601-9/18 od 27.12.2018. godine, a po žalbi JU Institut za zdravlje i sigurnost hrane Zenica, poništena je Odluka o izboru najpovoljnijeg ponuđača broj: 11-14-6951-19/18 od 05.11.2018. godine i predmet vraćen ugovornom organu na ponovni postupak.

Imajući u vidu sve činjenice vezane za postupak javne nabavke „Ustupanje usluga operativne proljetne faze obavezne preventivne sistematske deratizacije na području Zeničko-dobojskog kantona za 2018. godinu“ i rješenja Ureda za razmatranje žalbi broj: JN2-03-07-1-1601-9/18 i JN2-03-07-1-1601-9/18, Komisija je održala sastanak 14.02.2019. godine i Zapisnikom broj: 11-14-6951-24/18 utvrdila sljedeće:

1. Do kraja 2018. godine nije došlo do zaključivanja ugovora za predmetnu nabavku, zbog žalbenih postupaka, a sa 30.11.2018. godine je istekao i period važenja svih ponuda.
2. Predmetna nabavka se morala provesti u skladu sa Programom provođenja obavezne preventivne sistematske deratizacije na području Zeničko-dobojskog kantona za 2018. godinu, koja je protekla.
3. Za predmetnu nabavku ne postoje obezbjeđena sredstva Budžetu Zeničko-dobojskog kantona za 2019. godinu, jer isti do donošenja navedene Odluke nije donesen.

Slijedom prethodnog, Komisija je dala preporuku ugovornom organu da u skladu sa članom 69. stav (3) Zakona o javnim nabavkama, donese Odluku o otkazivanju postupka javne nabavke.

Imajući u vidu navedeno, ugovorni organ je odlučio kao u dispozitivu Odluke.

Pouka o pravnom lijeku

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Dostavljeno:
1x Svim ponuđačima
1x a/a

